



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 7. An qui non potest totum opus præceptum implere tenetur ad  
partem, quam potest?

**urn:nbn:de:hbz:466:1-40986**

sobrietatem , & contra præceptum audien-  
di Sacrum. 3. Excommunicatus tenetur,  
quantum potest absolutionem sibi compa-  
rare ad communicandum in Paschate,  
imò & ad Sacrum audiendum diebus Fe-  
stis, &c. cùm hujus impedimenti remotio  
necessaria sit ad implendum præceptum , &  
aliunde non sit nimis difficilis , imò ad eam  
jam teneatur.

*Resp.* III. Materiæ præceptæ gravitas ,  
vel necessitas potest esse tanta , ut præce-  
ptum obliget ad nunquam apponendum  
impedimentum ejus observationi , etiam  
multo tempore antequam urgeat , ad tol-  
lenda impedimenta etiam remota , & ad  
adhibenda media difficultia : ut patet in iis,  
quæ sunt necessaria ad salutem , ad ho-  
nestatem morum , & ad bonum com-  
mune.

*Q. 7. An, qui non potest totum opus præ-  
ceptum implere, tenetur ad par-  
tem, quam potest?*

*Resp.* Aff. Si præcetum sit de re divisibi-  
li : quia 1. Innoc. XI. damnavit hanc  
Propos. *Qui non potest recitare Matuti-  
num , & Laudes, potest autem reliquas  
horas, ad nil tenetur ; quia major pars  
trahit ad se minorem.* 2. Tunc præcep-  
tum utpote dividuum obligat ad omnes ,  
& singulas partes , etiam seorsim sumptas ;  
cùm

cum singulæ seorsim faciant ad finem præcepti; nec est causa sufficiens excusans à parte possibili, quæ est utilis fini. 3. Qui non potest totum debitum solvere, tenetur ad partem, quam potest, si hæc sit divisibilis à toto. 4. Sicut *Utile non debet per inutile vitiari.* ex Reg. Jur. 37. in 6. nec possibile per impossibile: ita porrò hæc regula, *Accessorium sequitur principale,* non valet in omnibus, nec habet locum, dum principale, & accessorium sunt divisibilia, & in accessorio reperitur aliqua ratio ipsius principalis; vel ubi est diversa utriusque ratio. Sic qui promisit equam cum suo pullo, si equam dare non potest, quia mortua est, tenetur dare pullum. Deinde pars non est propriè accessorium respectu totius.

Q. 8. *Quid agendum, quando simul occur-  
runt duo Præcepta, quæ simul ser-  
vari nequeunt?*

Resp. Per se loquendo servandum est majus præceptum; quia prævalet minori, & gravius obligat, unde tunc minus obligare desinit. Præceptum autem naturale, cum sit de rebus ex natura sua ad morum honestatem necessariis, præponderat præcepto merè positivo etiam divino: divinum humano, cum Deus sit superior homine: præceptum Supremi Principis

præ-